



Zajednička komisija za nadzor nad radom
Obavještajno-sigurnosne agencije Bosne i Hercegovine
Zajedničko povjerenstvo za nadzor nad radom
Obavještajno-sigurnosne agencije Bosne i Hercegovine

Зједничка комисија за надзор над радом
Обавјештајно-безбједносне агенције Босне и Херцеговине

Broj: 03/2-50-3-115/09
Sarajevo, 28. 4. 2009. godine

IZVJEŠTAJ o posjeti Odboru za bezbjednost Narodne skupštine Republike Srpske

Članovi Zajedničke komisije za nadzor nad radom OSABiH, u skladu s Planom rada za 2009. godinu, 3. februara 2009., boravili su u radnoj posjeti Odboru za bezbjednost Narodne skupštine Republike Srpske, u Banjoj Luci.

U ime Zajedničke komisije, u posjeti su bili:

- Mirko Okolić, predsjedavajući,
- Božo Rajić, prvi zamjenik
- Sadik Bahtić, član
- Rudo Vidović, član
- Zoran Koprivica, član
- Slavko Jovičić, član
- Sadka Đonko, sekretar
- Predrag Nikolić, stručni savjetnik
- Sajda Dizdarević, stručni saradnik

U posjeti su učestvovali i predstavnici Misije OSCE-a u BiH:

- Dušan Zoler, šef parlamentarne sekcije
- Jasna Dragičević, pravni savjetnik.

U ime Odbora za bezbjednost Narodne skupštine Republike Srpske, prisustvovali su:

- Petar Đokić, predsjednik Odbora
- Zoran Đerić, član
- Nada Tešanović, član
- Mićo Karanović, član
- Veljo Ilija, član i
- Dragana Zubić, sekretar.

Predsjedavajući Mirko Okolić je, u ime Komisije, pozdravio prisutne. Istakao je da je Komisija Planom rada za 2009. godinu predvidjela ovu posjetu, s ciljem uspostavljanja saradnje s parlamentarnim tijelima entiteta iz oblasti sigurnosnog sektora i razmjene iskustava.

Predsjedavajući je informirao prisutne o nadležnostima Komisije.

Također je naglasio da bi, imajući u vidu da Komisija provodi nadzor nad primjenom Zakona o zaštiti tajnih podataka na svim nivoima vlasti u Bosni i Hercegovini, danas trebalo razgovarati i o primjeni ovog zakona sa aspekta rada Komisije i Odbora.

U ime Odbora, prisutnima su se obratili: Petar Đokić, Zoran Đerić, Nada Tešanović i Ilija Veljo. Podržano je održavanje ovog sastanka i naglašeno da oblast sigurnosti ne trpi odgađanje te da je potrebno graditi odnose i uspostavljati komunikaciju kako bi građani bili sigurni. Posebno je istaknuta potreba za saradnjom sa OSABiH s ciljem stvaranja uslova za sigurnost države i otklanjanja rizika. Također je naglašena potreba da se sredstva za presretanje telekomunikacija koriste u skladu sa zakonom. U ovom poslu neophodna je saradnja svih subjekata u oblasti sigurnosti i na entitetskom i na nivou države. S tim u vezi, ako nema ove povezanosti, onda nema ni dobre kontrole nad sigurnosnim službama. Veoma važan segment u ovim poslovima je i potreba za stalnom edukacijom osoblja u sigurnosnim strukturama.

U raspravi su učestvovali članovi Komisije: Božo Rajić, Slavko Jovičić, Zoran Koprivica, Sadik Bahtić i Rudo Vidović.

Posebno je naglašeno da kod zakonitog presretanja telekomunikacija nema adekvatnog načina i tehničke mogućnosti za otkrivanje nelegalnog prisluškivanja. Ukazano je da je najveći nedostatak sistema to što se ljudi koji rade u telekom operaterima ne mogu kontrolirati. U tom smislu potrebno je stvoriti zakonski okvir da oblast telekomunikacionog sistema bude pod zakonskom kontrolom.

Članovi Odbora upoznati su s posjetama organizacionim cjelinama OSABiH, kao i posjetama ostalim institucijama koje su u nadležnosti Komisije te s međunarodnom saradnjom Komisije.

Na kraju sastanka zaključeno je da je ovo dobar početak jačanja saradnje i da ovakvi sastanci treba da se održavaju češće te da bi trebalo razmotriti mogućnost zajedničkih sastanaka s komisijama Parlamenta Federacije BiH. S tim u vezi ovaj oblik saradnje neophodno je unaprijediti i dalje dograđivati jer međusobna saradnja u oblasti sigurnosti jedan je od osnovnih uslova u borbi protiv prijetnji sigurnosti.

Predloženo da se članovi Odbora, zajedno s predstavnicima komisija Parlamenta Federacije BiH, uključe u buduće aktivnosti Komisije, kao što su: održavanje seminara, radionica, te studijske posjete i sl. U vezi s ovim predlogom, Dušal Zoller iz Misije OSCE-a istakao je da će predstavnike Odbora kao i predstavnike komisija Parlamenta Federacije BiH pozivati na seminare koji se tiču sigurnosnih pitanja.

**Predsjedavajući Komisije
mr. Mirko Okolić**